



四川大學古籍整理研究所編

儒藏

史部
第一四二冊

四川大學出版社



四川大學古籍整理研究所 編

儒藏·史部

儒林史傳

第四十一冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



信藏

目錄

目錄

伊洛淵源錄續	宋・朱熹撰		一
伊洛淵源錄新增	明・楊廉編撰		三八九
伊洛淵源續錄	明・謝鐸編撰		八一

欽定四庫全書

伊洛淵源錄卷三

宋 朱子 撰

明道先生

書行狀後

游 酢

先生道德之高致、經綸之遠圖、進退之大節、伊川季先生與門人高弟既論其實矣、酢復何言、謹拾其遺事、備採錄云。先生生而有妙質、聞道甚早。年逾冠、明誠夫子



張子厚友而師之。子厚少時自喜其才，謂提騎卒數萬，可橫行匈奴，視叛羌為易與耳。故從之游者，多能道邊事。既而得聞先生論議，乃歸謝其徒，盡棄其舊學，以從事明道。其視先生雖外兄弟之子，而虛心求益之意，懇懇如不及逮。先生之官，猶以書抵庖，以定性未能不動致問。先生為破其疑，使內外動靜，道通為一，讀其書可考而知也。其後子厚學成德尊，識者謂與孟子比，然猶祕其學，不多為人講之。其意若曰：雖復多聞，不務畜德。



徒善口耳而已。故不屑與之言。先生謂之曰。道之不明於天下久矣。人善其所習。自謂至足。必欲如孔門不憤不啓。不悱不發。則師資勢隔。而先王之道。或幾乎熄矣。趨今之時。且當隨其資而誘之。雖識有明暗。志有淺深。亦各有得焉。而堯舜之道。庶可馴致。子厚用其言。故關中學者躬行之多。與洛人竝推其所自。先生發之也。擢為御史。睿眷甚渥。亟承德音。所獻納必據經術。事常辦於早。而戒於漸。一日。神宗縱言。及於辭命。先生曰。人主

之學、惟當務為急、辭令非所先也。神宗為之動顏。會同
天節、宮嬪專獻奇巧、為天子壽。先生既言於朝、又顧謂
執政戒之。執政曰、宮嬪實為非上意也、庸何傷。先生曰、
作淫巧以蕩上心、所傷多矣。公之言非是。執政辭遂屈。
是時、有同在臺列者、志未必同、然心慕其為人。嘗語人
曰、他人之賢者、猶可得而議也。乃若伯淳、則如美玉然、
反復視之、表裏洞徹、莫見疵瑕。先生平生與人交、無隱
情、雖僮僕必託以忠信。故人亦不忍欺之。嘗自澶淵遣



奴持金詣京師買用物計金之數可當二百千。奴無父母妻子同列聞之莫不駭且誚。既而奴持物如期而歸衆始歎服。蓋誠心發於中暢於四肢見之者信慕事之者草心大抵類此。先生少長親聞視之如傷又氣象清越灑然如在塵外宜不能勞苦。及遇事則每與賤者同起居飲食人不堪其難而先生處之裕如也。嘗董役雖祁寒烈日不擁裘不御蓋時所巡行衆莫測其至故人自致力嘗先期畢事。異時夫伍中夜多譁一夫或怖萬

夫競起，姦人乘虛為盜者，不可勝數。先生以師律處之，遂訖去，無譁者。及役罷，夫散，部伍猶肅整如常。初至鄆，有監酒稅者，以賄播聞，然怙力，文身，自號能殺人，衆皆憚之。雖監司州將，不敢發。先生至，將與之同事，其人心不自安，輒為言曰：「外人謂某自盜官錢，新主簿將發之，某勢窮，必殺人。」言未訖，先生笑曰：「人之為言，一至於此。足下食君之祿，詎肯為盜？萬一有之，將救死不暇，安能殺人？其人默不敢言，後亦私償其所盜，卒以善去。州從



事有既孤而遭祖母喪者。身為嫡孫。未果承重。先生為推典法意。告之甚悉。其人從之。至今遂為定令。而天下搢紳始習為常。蓋先生御小人。使不麗於法。助君子。使必成其美。又大抵類此。先生雖不用。而未嘗一日忘朝廷。然久幽之操。確乎如石。冑中之氣。沖如也。所至士大夫多棄官從之學。朝見而夕歸。飲其和。茹其實。既久而不能去。其有貧者。以單衣御冬。累年而志不變。身不屈。蓋先生之教。要出於為己。而士之游其門者。所學皆心

到自得、無求於外。以故甚貧者忘飢寒、已仕者忘爵祿、
魯重者敏、謹細者裕、强者無拂理、愿者有立志、可以修
身、可以齊家、可以治國平天下。非若世之士、妄意空無、
追咏昔人之糟粕、而身不與焉、及措之事業、則俵然無
據而已也。方朝廷圖任真儒、以惠天下、天下有識者謂
先生行且大用矣、不幸而先生卒。嗚呼。道之行與廢、果
非人力所能為也。悲夫。哭而為之贊曰、

天地之心、其太一之體與。天地之化、其太和之運與。確

然高明、萬物覆焉。隋然博厚、萬物載焉。非以其一與。陽
自此舒、陰自此凝。消息滿虛、莫見其形。非以其和與。夫
子之德、其融心、絳慮、默契於此與。不然、何穆穆不已、渾
渾無涯、而能言之士、莫足以頌其美與。嗟乎、孰謂此道
未施、此民未覺、而先覺者逝與。百世之下、有想見夫子
而不可得者、亦能觀諸天地之際與。

哀詞

呂大臨

嗚呼。去聖遠矣。斯文喪矣。先王之流風善政、泯沒而不

可見明師賢弟子傳授之學，斷續而不得聞，以章句訓詁為能窮遺經，以儀章度數為能盡儒術，使聖人之道玩於席儒，諷誦之餘，隱於百姓日用之末，反求諸己，則罔然無得，施之於天下，則若不可行，異端爭衡，猶不與此。先生負特立之才，知大學之要，博文強識，躬行力究，察倫明物，極其所止，渙然心釋，洞見道體，其造於約也，雖事變之感不一，知應以是心而不窮，雖天下之理至衆，知反之吾身而自足，其致於一也，異端並立而不能



移聖人復起而不與易。其養之成也。和氣充浹。見於聲容。然望之崇深。不可慢也。遇事優為。從容不迫。然誠心懇惻。弗之措也。其自任之重也。寧學聖人而未至。不欲以一善成名。寧以一物不被澤為己病。不欲以一時之利為己功。其自信之篤也。吾志可行。不苟潔其去就。吾義所安。雖小官有所不屑。夫位天地育萬物者。道也。傳斯道者。斯文也。振已墜之文。達未行之道者。先生也。使學不卒傳。志不卒行。至於此極者。天也。先生之德。可形

容者猶可道也。其獨智自得合乎天契乎先聖者不可得而道也。元豐八年六月明道先生卒。門人學者皆以所自得者名先生之德。先生之德未易名也。亦各伸其志爾。

墓表

大宋明道先生程君伯淳之墓

守太師致仕潞國公文彥博題

先生名灝字伯淳。葬於伊川潞國太師題其墓曰明道。

先生弟頤序其所以刻之石曰。周公沒。聖人之道不行。孟軻死。聖人之學不傳。道不行。百世無善治。學不傳。千載無真儒。無善治。士猶得以明夫善治之道。以淑諸人。以傳諸後。無真儒。天下貿貿焉。莫知所之人。欲肆而天理滅矣。先生生千四百年之後。得不傳之學於遺經。志將以斯道覺斯民。天不憖遺哲人。早世。鄉人士大夫相與議曰。道之不明也久矣。先生出。倡聖學以示人。辨異端。闢邪說。開歷古之沉迷。聖人之道得先生而後明。為